

derselbigenn collegiaturenn bewilliget unnd zugesageth, das sie nu unnd hinfurder zu ewigenn gezceittenn fur alle gerechtigkeit, so denselbigenn obberurthenn zweyenn collegiaturenn zustehenn mogenn, sibenntzigk alde schogk, zwanntzigk zcinsgroschenn vor ein alde schogk gerechennt, alle iar ierlich auff zcwue tagezceittenn, nemhelich halb auff Walpurgis unnde die anndere helffte auff Michaelis, inn unnsere ampt Leiptzk 5 reichenn unnd uberantworttenn sollen. Darkegenn wollenn wir zweyenn doctoribus angezeigter iuristennfacultet, die wir darzu vorordenn werdenn, alle iare ierlich aus bestimptenn ampt Leiptzk sibenntzigk guldenn unnsere gangkhaftigenn muntze, ye eyenn unnd zwanntzigk zcinsgroschenn vor eyenn gulden gerechnet, itzlichem doctor funff unnd dreyssigk guldenn fur den genyess berurter zweyenn collegiaturenn uber- 10 reychenn, bezcalenn unnd enrichtenn lassenn, dieselbigenn zcwene doctores zcwue lecturenn im rechtenn, wie ine die vonn unns auffgelegeth werdenn, haltenn unnd vorsorgenn, unnd also mit wesenn vonn den anndern collegiathenn gesundert sein sollenn. Unnd ap sachenn furfielenn darzcu die collegiatenn derselbigenn bemeltenn zweyer doctorenn rats unnd beystannds notturfftigk seynn wurdenn, das sollenn die doctores, inn 15 annsehunge das sye obberurthenn genyess vonn den collegiathenn habenn, zu geleystenn nicht weggerenn. Unnd hirmith sollen die zcwue collegiaturenn, so vormals tornatiles gewest^{a)}), hynnfurder zcukunfftigk und ewigk nationales seynn unnd bleybenn treulich unnd unngeverlich. Zu urkunde mit unnsere anhangendenn innsiegell besigelt, unnd gebenn zu Leiptzk am dornnstage nach Galli abbatis, nach Cristi unnsere liebenn 20 herren geburdt tausent funffhundert unnd im vierden iarenn.

248.

Verordnung wie der Rath zu Leipzig das neue Collegium bauen soll.

[1504.]

Hdschr.: Concept Hauptstaatsarchiv Dresden Leipziger Händel 1519—26 loc. 9884 fol. 30.

Ann.: Vergl. hierzu No. 225 und die folgende Urkunde.

25

Czu wissenn wie eyenn erbar rath zcu Leiptzk das nawe collegium auffrichtenn unnd bawenn sall. Besunder sal der rat ein gut steynenn hauß von sechzcigk elenn yn die lenge und von funff ader sechs unnd zwentzigk elenn ungeverlich yn die breite vonn dreyen gaden ader sollern hoch, dorzu uf eyner seite eyenn lectorium, uf der andern seiten ein stube, darneben eyenn gewelbe unnd under dem eingange des hauses einen 30 keller zu zcehen ader zwelff fassenn zu legenn, gewonlich bauenn, auffrichtenn und vorfertigenn. Und so denne sulcher bawe uff der stadtmawer zu bawen durch den hochgebornenn fursten unnd herrn, herrn Georgen hertzog zu Sachsen zc. nachgelassenn, so sollenn unden durch die mawer keyne fenster gebrochenn werden und was man fenster oben hinauß ober die mawer machen wirdet, sollen mit guten starckenn eyssern 35 gittern vorgittert werdenn. Domit gemeyner stat daruß nicht schade zugefugert werden

247. a) Vergl. Gretschel, die Universität Leipzig 73.